



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 55. Abbo Floriacensis Romæ.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

§. LV.

Sæculum X.
A. C. 998.*Abbo Floriacensis Romæ.*

Abbo Floriacensis iter Romam secundo *Mabill. vit.*
 suscepit, sedente Papa Gregorio V. *Abb. c. I.*
 qui minabatur toti Regno Franciæ ana- *Præf. Sæc.*
 thema dicere, nisi Arnulphus in Sedem *6. §. 6.*
 Remensem restitueretur, affirmans, sine
 Judicio legitimo fuisse dejectum. Hu-
 go Rex (*) mortuus erat anno nongente-
 simo nonagesimo sexto, vigesima quar-
 ta Octobris, postquam annis novem &
 mensibus ferme quinque regnasset, Ro-
 bertus vero eius filius Bertam duxerat,
 Odonis I. Comitis Blesensis & Carnu-
 tensis viduam. Erat Berta, filia Conra-
 di Regis Burgundiæ, & Mathildis, Soro-
 ris Lotharii Regis Franciæ, quorum Ma-
 ter

(*) Legimus in Eminentissimo Cardinali ad
 annum 987. *Hugonem hunc ipsum Magni Hu-*
gonis filium ex eadem (Caroli Magni) esse pro-
genie demonstrat Chronicon Wilelmi Mangii Mo-
nachi S. Dionysii quin & Auctor, qui te-
xuit Genealogiam S. Arnulphi profitetur
hoc etiam Innocentius Papa in Epistola ad Lu-
dovicum Regem hujus nominis sextum &c. Sed
 affirmat Abbas Calmet Tom. VIII. Hist. univ. Quod
 vero Hugo Capetus ex genere Caroli Magni pro-
 cessisse dicatur, nullibi probatur.

Sæculum X.
A. C. 998.
ter Gerberga Soror erat Adwigis, Roberti Avia. Unde Robertus & Berta ex sobrinis geniti erant. (*) Porro Robertus Rex, sperans sic se facilius impetraturum, ut hæ nuptiæ ratae haberentur, Leoni Abbati S. Bonifacii Romæ promiserat, effecturum se, ut Arnulphus in Sedem Archiepiscopalem Remensem restitueretur. Hæc igitur præcipua causa fuit, cur Abbo a Roberto Rege rogatus Romam profectus fuerit.

Gerbert. ep.
151. Mabill.
ibid. 9.7.
Quo postquam pervenisset & Papam ibi non habuisset, iter Spoletum ingressus Regis nomine Gregorium salutavit. Is Abbonem advenisse gaudens desiderium professus est, quod se videndi virum, fama jam dudum notum, subiisset. Inter varios sermones interrogavit Papa, quomodo S. Benedicti corpus in Franciam translatum fuisset, & qualia Transalpini hujus rei haberent documenta, rogans, ut sibi Translationis historia mitteretur. Quod Abbo postea in Franciam reversus præstitit. Octo prope dies apud se

(*) Hodie petitur Dispensatio, quæ etiam in secundo consanguinitatis gradu conceditur; quod nostra ætate factum in nuptiis Principum Bavariz & Saxoniz.

se versatum Papa sæpe mensæ adhibuit, Sæculum X.
A. C. 998.
& in Franciam remisit, postquam omnia, quæ petebat, concessisset. Neutiquam vero pecuniam more Antecessoris sui ab eo petiit, quin thure eum donavit & Casula, qua Missam celebrans uteretur. Privilegio etiam Abbatiam Floriacensem munivit, in quo præter alia statuebatur, ne liceret Episcopo non invitato ad eam venire, & nulli Episcoporum (*) fas esset eidem Monasterio Sacris interdiceret, etiamsi toti Galliæ interdiceretur.

§. LVI.

Gerbertus Archiepiscopus Ravennas.

Abbo in Franciam redux Arnulphum, quem Rex e carcere (**) liberaverat, in Sedem

(*) Justa causa extitisse poterat prohibendi, ne pro illo tempore Episcopus Diœcesanus Monasterium Floriacense Interdicto subjiceret. An vero etiam Episcopi Successores, innocentes, Jurisdictione in hoc Monasterium sibi jure Divino collata & acquisita privari potuerint, difficilis est quæstio. Observabit Lector Historiæ Ecclesiasticæ studiosus, hoc Sæculo usum Plenitudinis potestatis Pontificiæ ad plura, quam prioribus Sæculis, extendi cœpisse.

(**) De Carolo, Franciæ Principe, etiam in carcere